

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na 72. sjednici, održanoj 06.10.2016. godine, d o n o s i

ZAKLJUČAK

I

Usvaja se Informacija sa Radno-konsultativnog sastanka posvećenog uspostavi efikasnog sistema koordinacije borbe protiv korupcije.

II

Zadužuje se Ministarstvo pravosuđa da pripremi i predloži imenovanje tima za borbu protiv korupcije koju će činiti predstavnici Ministarstva za pravosuđe i upravu, Ministarstva za rad, socijalnu politiku i izbjeglice, Ministarstva finansija, Ministarstva za obrazovanje, nauku, kulturu i sport, Kantonalnog pravobranilaštva, Kantonalne uprave za inspekcijske poslove, Službe za zajedničke poslove, član skupštinske Komisije za borbu protiv korupcije i član nevladinog sektora.

III

Zadužuju se organi iz tačke II ovog Zaključka da predlože članove tima do 10.10.2016. godine.

IV

Zaključak stupa na snagu danom donošenja.

Broj: 02-_____/16.

Datum, 06.10.2016. godine

Z e n i c a

PREMIJER

Miralem Galijašević

DOSTAVLJENO:

1x Ured Premijera,
1x Ministarstvo za pravosuđe i upravu,
1x Ministarstvo za rad, socijalnu politiku i izbjeglice,
1x Ministarstvo finansija,
1x Ministarstvo za obrazovanje, nauku, kulturu i sport,
1x Kantonalno pravobranilaštvo
1x Kantonalna uprave za inspekcijske poslove,
1x Služba za zajedničke poslove,
1x Stručna služba Skupštine ZDK,
1x a/a.



Broj: 08-01/1-49-1-4554-3/16

Datum: 30.09.2016. godine

**ZENIČKO-DOBOJSKI KANTON
VLADA**

n/r Premijera

n/r Sekretara

**PREDMET: Informacija sa radno-konsultativnog sastanka posvećenog uspostavi
efikasnog sistema koordinacije borbe protiv korupcije, dostavlja se -**

U organizaciji Agencije za prevenciju korupcije i koordinaciju borbe protiv korupcije (APIK), u Sarajevu je 29.09.2016. godine održan Radno-konsultativnu sastanak posvećen uspostavi efikasnog sistema koordinacije borbe protiv korupcije. Na sastanak su pozvani predstavnici tijela za sprečavanje korupcije iz Federacije BiH, Republike Srpske, Brčko Distrikta BiH, te svih 10 kantona u Federaciji BiH. U ime Vlade Zeničko-dobojskog kantona, sastanku su prisustvovala Aida Mujić i Anela Hasanspahić (Ministarstvo unutrašnjih poslova).

U uvodnom obraćanju predstavljeno je novo rukovodstvo Agencije, na čelu sa direktorom gosp. Hasim Šabotić. S obzirom da je ovaj događaj organizovan uz podršku Vlade Velike Britanije, prisutnima se obratio predstavnik Britanske ambasade u BiH Jon O'Shaughnessy, koji je najavio pomoć i podršku Ambasade prilikom izgradnje efikasnog i kompetentnog sistema za borbu protiv korupcije.

Prilikom prezentacije trenutnog statusa aktivnosti u pogledu uspostave sistema za efikasnu koordinaciju borbe protiv korupcije, predstavljena su tijela za borbu protiv korupcije koja su do sada formirana, njihove aktivnosti i način njihovog djelovanja. Zamjenik direktora Agencije Dragan Slipac je istakao da obaveze formiranja tijela za borbu protiv korupcije proizilaze iz Zakona o Agenciji, Strategije za borbu protiv korupcije 2015-2019. i Akcionog plana za provedbu Strategije, te Reformske agende. Ovim propisima, odnosno strateškim dokumentima, predviđeno je da svi nivoi vlasti formiraju svoja tijela za borbu protiv korupcije i izrade vlastite strateške dokumente, uzimajući u obzir činjenicu da su neke oblasti, poput zdravstva i obrazovanja, isključivo u nadležnosti nižih nivoa vlasti.

Do sada je na nivou BiH **formirano 9** tijela za borbu protiv korupcije (**od potrebnih 13**), te usvojeno 7 strategija i 7 akcionih planova. Posavski kanton i Kanton 10 su dobili mišljenje Agencije i uskoro će biti usvojene strategije i u tim kantonima.

Kada je riječ o entitetskom nivou, u aprilu ove godine formiran je **Antikorupcioni tim Vlade Federacije BiH**, koji ima 8 članova. (Amra Đendusić i Osmanagić Suad su bili na sastanku a Tim je formiran od predstavnika Ministarstva pravde, finansija, OSA, finansijske policije, ureda Vlade i Ministarstva za rad i socijalnu politiku).

Uz pomoć Ambasade Velike Britanije u BiH, izrađena je Strategija za borbu protiv korupcije koju prati i odgovarajući Akcioni plan za period 2015-2019. Ovi strateški dokumenti

nedavno su usvojeni i objavljeni u "Službenim novinama FBiH". Antikorupcioni tim je dobio set mjera koje treba provesti u narednom periodu. Radi efikasnije realizacije ovih mjera formirane su fokusne tačke u institucijama, koje će biti zadužene za koordinaciju i saradnju sa Timom. Detaljan izvještaj dostavlja se Vladi FBiH jednom godišnje, a po potrebi i češće (mjesečno ili kvartalno). Vlada će odlučiti da li će izvještaj uputiti u parlamentarnu raspravu.

Republika Srpska ima formiran tim od 14 članova. Predstavnici ovog tima nisu bili prisutni na sastanku, tako da nema više informacija o načinu njihovog djelovanja. Poznato je da je izrađena Strategija borbe protiv korupcije u Republici Srpskoj od 2013. do 2017. godine koju prati i Akcioni plan.

Tim Vlade **Kantona Sarajevo** formiran je Zaključkom Vlade 15.10.2015. godine i od tada aktivno radi. Tim broji 7 članova, među kojima su inspektor u Kantonalnoj upravi za inspeksijske poslove, interni revizor, finansijski inspektor, predstavnik Ministarstva pravde i članovi Skupštine Kantona. Sva ministarstva dostavljaju informacije o svojim antikoruptivnim aktivnostima, a izvještaj o radu dostavlja se Vladi KS dva puta godišnje. Na kantonalnom nivou strategija nije donesena. Donesen je Akcioni plan sa 27 mjera (smatrano je da je to prioritet).

Kao primjer dobre prakse u radu ovog Tima, istaknut je metod prijave korupcije. Naime, kreirana je aplikacija za prijavu korupcije koju sva ministarstva imaju na svojim web stranicama. Pored toga, plan javnih nabavki je centralizovan (sva ministarstva objavljuju planove na jednom mjestu), a Vlada je usvojila i Zaključak da se pored ugovora moraju objavljivati i aneksi ugovora. Unaprijeđena je saradnja sa sudovima, tužilaštvom, MUP-om. Ostvarena je saradnja sa organizacijama civilnog društva, a uzimajući u obzir da je informisanje javnog mnijenja bitan segment rada Tima, takođe i sa kantonalnom televizijom, zakupom udarnih termina i promocijom borbe protiv korupcije. Rezultat rada su i istrage u pojedinim Javnim preduzećima (VIK GRAS i dr.) U ovom Kantonu počinje edukacija za izradu planova integriteta u svim institucijama.

U Srednjobosanskom kantonu Strategija nije usvojena niti je formiran tim za izradu strategije. U MUP SBK je još 2013. godine usvojen Akcioni plan za borbu protiv korupcije, nosilac posla je Odjel za profesionalne standarde ali to je interni dokument MUPa .

Vlada **Unsko-sanskog kantona** formirala je Tijelo za borbu protiv korupcije, al to je još od prije promjene vlasti u ovom Kantonu. Tijelo ima zadatak da predloži strategiju i akcioni plan. Do sada su urađene samo radne verzije akcionih planova, koji se temelje na strateškim ciljevima Državne strategije (Strategije za borbu protiv korupcije 2015-2019.) U ovom Tijelu su angažovani profesori sa fakulteta iz krivičnog i upravnog prava a svakako će biti konsultovana i Federalna Strategija.

U Posavskom kantonu Strategija borbe protiv korupcije usvojena je sredinom ovog ljeta. Akcioni plan je u fazi razmatranja. Vlada ovog Kantona još nije imenovala tijelo koje će pratiti provođenje mjera iz Strategije.

Vlada Zeničko-dobojskog kantona je formirala Interresornu radnu grupu koja broji 12 članova za izradu strateškog dokumenta "Strategija u borbi protiv korupcije Zeničko-dobojskog kantona". Nakon izrade i usvajanja ovog dokumenta pristupit će se izradi Akcionog plana, a hoće li tijelo biti u istom sastavu ili nekom drugom odlučit će se u daljem radu. Radi ispunjavanja obaveza propisanih Akcionim planom za provedbu Reformske agende za BiH za period 2015-2018 za sve policijske agencije, Ministarstvo unutrašnjih poslova ovog Kantona je izradio vlastiti Akcioni plan za borbu protiv korupcije a Plan integriteta je u fazi dostavljanja Agenciji na mišljenje.

Vlada **Zapadno-hercegovačkog kantona** još nije formirala tijelo za izradu strategije a ni tijelo za borbu protiv korupcije odnosno za izradu Akcionog plana.

U Bosansko-podrinjskom kantonu izrađen je Akcioni plan za borbu protiv korupcije, ali ne i Strategija. Tim za sprečavanje korupcije takođe je formiran. Čini ga po jedan državni službenik iz svih resora. Na čelu tima je Sekretar Vlade BPK. Tim ima obavezu izvještavanja Vlade o postignutim rezultatima svaka tri mjeseca.

Vlada Tuzlanskog kantona usvojila je Program borbe protiv korupcije i Akcioni plan za provedbu Programa. Imenovan je Tim za provedbu programa od 12 članova. Čine ga predstavnici svih ministarstava. Članovi ovog Tima nisu učestvovali u izradi Programa borbe protiv korupcije.

Konstatovano je da članovi tijela za borbu protiv korupcije, izuzev Kantona Sarajevo, do sada nemaju novčanih naknada za rad u ovim tijelima i da je potrebno da imenovani članovi posjeduju lični i moralni integritet. Osnaživanje institucija koje se bave ovom problematikom je veoma važno, kao i njihova koordinacija i saradnja, pogotovo uzimajući u obzir napredak BiH i obaveze proizašle iz Zakona, Strategije i Reformske agende. U vezi s tim, APIK će prikupljati informacije sa svih nivoa vlasti i o napretku i realizovanim mjerama izvještavati Evropsku uniju. Ove aktivnosti posebno će biti pojačane prilikom dostavljanja odgovora na Upitnik EU. Stoga je potrebno naći modalitet međusobnog informisanja/izvještavanja.

U oktobru ove godine, putem APIKa, treba početi implementacija projekta koji će trajati 9-12 mjeseci i finansiran je iz IPA sredstava. Cilj je da se svim nivoima vlasti omogući podrška kroz razvoj sektorskih strategija, provođenje i monitoring, te prevencija u borbi protiv korupcije. Fokus će biti na edukaciji članova tijela, odnosno timova za prevenciju korupcije. Tijela/timovi na svim nivoima trebaju biti formirani do kraja ove godine.

Najavljena je posjeta predstavnika APIK-a i naglašena obaveza donošenja strateških dokumenata u što skorije vrijeme i to Strategije za borbu protiv korupcije, Akcionih planova za borbu protiv korupcije i Planova integriteta.

- Kopiju Rješenja o imenovanju Interresorne radne grupe za izradu dokumenta "Strategija u borbi protiv korupcije Zeničko-dobojskog kantona" kojom raspolaažemo, dostavljamo u prilogu, sljedeći korak je formiranje Tijela za borbu protiv korupcije koje bi radilo na Akcionim planovima i Planovima integriteta. (napomena: mogu biti isti članovi i u Radnoj grupi i u tijelu koje će raditi na izradi i praćenju rada strateških dokumenata.)

S poštovanjem!

MINISTAR

Nikola Arsenić